

րայ կապում են հանդերձից պատուած կտորները՝ գլխից կտրած մազի փունջերը՝ Այդ ամենը անուանվում է «թուխ—մանուկ»:

«Գարա—օղլանը» միատեսակ միայն ծառերն են, որոնք որ այգու, արտի մէջ որ բուսնին, այնտեղը նուիրական կը դառնայ: Այդ ծառերը ոչ ոք իրաւունք չունի կտրել, ծախել, վառել, բացի գիւղացիներից ընտրուած մի ընտանիք, որ գիւղի հիւրերը ընդունում է նրանց ծանրութիւնը իւր վերայ առնելու: Ամենամեծ անպատուութիւն է համարուած բեխեր կտրելը*), աւելի լաւ է «Գարա—Գոյունցու» գլուխը կտրել դորատեղ: Գարա—Գոյունցիք իւրեանց ծէսերը գաղտնի են կատարում, վախենալով թաթարներից, դրա համար ես իմ հետախուզութեան մէջ այնքան առաջ չը կարողացայ գնալ: Շատ բաներ կան, որ երկիւղից ծածկում են, նրանք արտաքուստ ձեւացնում են իւրեանց մահմեդականներ, բայց ոչ «օրուջ» (ծոմ) ոչ «նամազ» (աղօթք) են անում: Գինի օղին անխիղճ խմում են, առհասարակ հայ եղած տեղեր նրանց մօտ հիւր կ'իջնին և շատ համակրում են նոցա: Հայերիցը այն առաւելութիւնն ունին, որ ձմեռները պարապում են արհեստներով, առա-

*) Հայերի մէջ եւս բեխերը տղամարդութեան նշան է եւ նրանց կտրելը մեծ ամօթ է համարվում: